

24 NOV 2003

BARISAN LEMANG TERPANJANG DI PARIT

PARIT, 24 Nov (Bernama) -- Lebih kurang 1,200 kakitangan kerajaan, anggota Umno dan orang ramai meluangkan masa dalam kesibukan bersiap untuk Hari Raya bagi membuat barisan lemang terpanjang di sini, hari ini.

Menteri Besar Datuk Seri Tajol Rosli Ghazali merupakan antara mereka yang turut menjayakan barisan terpanjang lemang, sejauh 610.85 meter yang terdiri daripada 11,330 batang lemang.

Pencapaian hari ini mengatasi rekod sebelumnya sejauh 270m, menggunakan 4,990 batang lemang.

Usaha itu, dianjurkan oleh Kerajaan Negeri Perak dan Umno Parit, dan ia dicatatkan di edisi Emas "Malaysia Book Records - A Tribute to Tun Dr Mahathir Mohamad", di bawah kategori "Human Achievements".

Usaha-usaha untuk membuat rekod itu bermula se awal 6.30 pagi, dengan beribu-ribu batang buluh dibawa masuk ke Sekolah Menengah Layang-Layang Kanan, yang terletak lebih kurang 10km dari sini.

Sejumlah 4,950kg "beras pulut", 1,800kg santan dan 95kg garam digunakan dalam proses itu yang kosnya dianggarkan RM40,000.

Tajol Rosli berkata beliau sangat gembira dengan perpaduan yang ditunjukkan oleh para peserta yang sanggup mengetepikan masa walaupun dalam kesibukan bersiap untuk Aidilfitri.

"Dan yang paling penting, kita tidak sia-siakan apa-apa dalam melakukan rekod ini. Lemang itu akan disampaikan kepada golongan miskin, pertubuhan kebajikan dan keluarga tunggal," katanya.

-- BERNAMA

AR PR